



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### ბიადულია ზმიტროკ

ბიადულია ზმიტროკ (ნამდვ. სახელი და გვარი სამუილ ეფიმიძის ძე პლავნიკი) (23. IV. 1886, სოფ. პოსადეცი, მინსკის მხარე, – 3. XI. 1941, დასაფლავებულია ქ. ურალსკთან), ბელორუსი მწერალი.

იყო ლიტ. გაერთიანებების „მაღაღნიაკის“ და „უზვიშის“ წევრი. პირველი მხატვრული ნაწარმოებები გამოაქვეყნა 1910. საქართველოში (გაგრძედა) იმყოფებოდა 1926 იანვრიდან აპრილამდე, რის შთაბეჭდილებებითაც შექმნა პოეტური ციკლი „კავკასია“ და ნოველები. ნაწარმოებები „ისლამ-ბეი“, „მთებში“ პირველი პოეტური და პროზაული თხზულებები იყო ბელორ. ლიტ-რაში, რ-ებშიც ქართ. სინამდვილე აისახა. ბ. საქართველების აღწერის უზადო ოსტატია. მის ნაწარმოებებში შედარებით სუსტადაა ასახული ქართ. ეროვნული ხასიათი.

*თბბ.*: Збор твораў, т. 1-4, Минск, 1951-53.

*ლიტ.*: Богомоллов И. С., Миминошвили Р. С., Брат, ты братством силен, М., 1985, с. 122.

**ვ. სალია**

---